

欽定盛京通志

欽定盛京通志卷之二十九

城池一

奉天府各屬

興京

承德縣

遼陽縣

海城縣

蓋平縣

開原縣

鐵嶺縣

復州

寧海縣

岫巖城

鳳凰城

欽定盛京通志卷之二十九

城池

臣等謹案遼東西地自昔沿爲郡國遼金以來升爲上京中京東京建置諸城我

國家營始豐垣崇墉峻列

皇上厯念

留都重地發帑興修百雉巍峩金湯鞏固作億萬年丕丕基永垂無極至於前代闔壘設衛防邊遺址所存掌故宜備臣等詳稽臚載謹志

城池第十二

城

欽定盛京通志

城池一

(奉天府各屬)

(興京)

城池詳見

京城志。其境內諸城堡。及歷代舊有城址。分別於後。

大清一統志。凡前代舊建城堡。分設防禦者。均列

入古蹟。今本志既分列城池一門。凡歷代舊址。可考者。俱附注於篇。其古蹟止載郡縣舊

存名目。及名勝諸蹟。

鄂多理城

在興京城東一千五百里。

發

祥重地。本朝最初建都於此。實爲億萬世

京城卷。赫圖阿拉注。及山川卷。長白山注。○鄂多理。原作俄朶里。今譯改。

古城

城西北四里。週圍一里一百二十步。南一門。建置年月未詳。相傳爲

開國時六城之一。

(事蹟)

謹稽

實錄

興祖長子德世庫。居覺爾察地。次子留闡。居阿哈和洛

地。三子索長阿。居和洛噶善地。五子寶朗阿。居

尼瑪蘭地。六子寶。實居章嘉地。分築五城。與

景祖所居赫圖阿拉城。相距近者五里。遠者二十里。兼

稱寧古塔貝勒。

景祖長子禮敦。英勇過人。號巴圖魯。時近地部落。有碩

色納者。生九子。俱强悍。又有嘉瑚者。生七子。俱

輕捷多力。能身披重鎧。連躍九牛。

景祖第四子。爲

顯祖宣皇帝。

顯祖嫡妃喜塔喇氏。孕十三月而生。大平。

太祖高皇帝。天表玉立。聲若洪鐘。儀度威重。舉止非常。

國人稱爲

聰睿貝勒

薩爾滸城

薩爾滸。國語。解見奉天府山川卷。城

一門。西南西北各一門。外城週圍七里。四面
各一門。乾隆八年。十九年。

皇上東巡。有
御製薩爾滸詩。四十一年。有

御製薩爾滸書事長篇。四十三年。有
御製題薩爾滸十二韻。薩爾滸再題詩。四十八年。有

御製薩爾滸題句詩。俱恭載
大章門。

(事蹟)

謹稽

實錄。天命五年。十月。自界藩遷於此城。建軍民廬舍。先

是歲己未。天命四年。明集兵瀋陽。號四十七萬。

分爲四路。劉綎康應乾督兵四萬。合朝鮮兵出

寬甸口。馬林麻岩潘宗顏督兵四萬。台葉赫兵

出三岔口。李如柏賀世賢閻鳴泰督兵六萬。由

清河出鴉鶻關。杜松王宣趙夢麟張銓督兵六

萬由渾河出撫順關。期並趨我都城。三月朔。我西路偵卒遙見火光馳告。而南路偵卒又以明兵逼境告。

太祖卽於辰刻。

親率貝勒大臣統城中兵出。而

命大貝勒代善前行。時偵卒又以明兵出清河路來告。

大貝勒曰。清河之界。道途偏仄崎嶇。兵未能驟至。我兵惟先往撫順以逆敵兵。遂過扎喀關。與大臣扈爾漢等集兵以待。時

太宗文皇帝稱四貝勒以祀事後至。謂大貝勒曰。界藩山上。我築城夫役在焉。山雖險。倘明之將帥。不惜士卒。奮力攻之。陷夫役。奈何。我兵宜急進。以安夫役之心。大貝勒等善是言。下令軍士盡擐甲。日過午。至大蘭岡。大貝勒及扈爾漢。欲駐兵隱僻地。

四貝勒艴然曰。正宜耀兵列陣。明示敵人。壯我夫役士卒之膽。俾并力以戰。何故令兵立隱僻地耶。大
臣額亦都曰。

貝勒之言是也。我兵當堂堂正正。以向敵人。遂督兵赴界藩。對明兵營列陣。初衆貝勒兵未至。我國防衛築城夫役之兵。僅四百人。伏薩爾濟谷口。伺明兵過半。蹕擊至界藩渡口。與築城夫役合據吉林崖。杜松結營薩爾濟山。分兵圍吉林崖。我兵四百。率衆夫役下擊。一戰而斬明兵百人及大貝勒。

四貝勒至。見明兵攻吉林崖者約二萬人。又一軍列薩爾濟山巔。乃議增千人。往助四百兵於吉林崖。

俾自上馳下衝擊。以右翼四旗兵夾攻。其薩爾
濟山之兵以左翼四旗兵當之。遂遣兵千人登
吉林崖。

太祖至。問貝勒等破敵策。具以前議告。

太祖諭先破薩爾濟山所駐兵。是時我國近都城之兵。

乘善馬者先至。乘駑馬者後至。其數十里外者

尙未至。於是合六旗兵。進攻薩爾濟山。明兵列

陣發鎗礮。我兵仰而射之。奮力衝擊。不移時。破

其營壘。死者相枕藉。而所遣助吉林崖之兵。自

山馳下衝擊。右翼二旗兵渡河直前夾擊。明兵之在界藩山者。短刃相接。我兵縱橫馳突。無不一當百。遂大破其衆。明總兵杜松王宣趙夢麟等。皆沒於陣。橫屍亘野。血流成渠。其旗幟器械。及士卒死者。蔽渾河而下。如流澌焉。追奔逐北二十餘里。至碩欽山。時已昏。軍士沿途搜剿者。又無數。是夜明總兵馬林營於尙間崖。掘壕嚴斥堠。鳴金鼓自衛。我兵見之。乘夜馳告大貝勒代善。翼旦。大貝勒以三百餘騎馳往。馬林方

拔營行。見大貝勒兵至。退回結方營。環營掘壕。三匝。列火器俾習火器者。立壕外。繼列騎兵以俟。又開原道潘宗顏一軍。距西三里外。營斐芬山。大貝勒見之。遣人馳告。

太祖時我國遠路之兵亦陸續至。與大貝勒兵合。明總兵杜松之後營遊擊龔念遂。李希泌。統步騎萬人。駕大車。持堅楯。營於斡琿。鄂謨地。環營掘壕。外列火器。

太祖見之與

四貝勒率兵不滿千人。分其半。下馬步戰。明兵發火器

拒敵

四貝勒引騎兵。奮勇衝入。步兵繼進。遂斫其車。破其楯。

明兵大敗。龔念遂。李希泌。皆陣沒焉。會大貝勒

使至。以明兵營尙間崖告。

太祖不待

四貝勒兵。引侍從數人往。日中。至其地。見明兵四萬布

列。

諭趣我軍先據山巔。向下搏擊。衆兵方欲登山。而馬林